



Sarajevo, 22.05.2020. godine
Broj: 06-06-2-594-3-9/20

Predmet: Poziv na online seminar (webinar) – Efikasna komunikacija sa medijima

Poštovani/a,

Vanjskotrgovinska komora Bosne i Hercegovine i Agencija za državnu službu Bosne i Hercegovine pozivaju zainteresirane uposlenike bh. kompanija i državne službenike na trodnevni webinar na temu „**Efikasna komunikacija sa medijima**“, koji će se održati **od 27. – 29.05.2020. godine** od 11:00 do 12:30 sati. Riječ je o nastavku uspješne suradnje između Agencije za državnu službu BiH i Vanjskotrgovinske komore BiH, koji su u proteklim godinama uspješno organizirali dva ciklusa škole „Ekonomska diplomatija“ u Sarajevu i Banja Luci. Ciljna grupa webinaru su uposlenici bh. kompanija, predstavnici poslovne zajednice i državni službenici.

Predavač

Predavač na webinaru je Marina Bakić, psiholog i certificirani NLP Practitioner Međunarodne asocijacije NLP instituta IN-NLP – Berlin. Certificirana je trenerica javnih i TV nastupa sa 19 godina radnog iskustva u medijima i odnosima s javnošću. Radila je kao savjetnica za medije ministra Mirka Šarovića u Ministarstvu vanjske trgovine i ekonomskih odnosa BiH. Od 2006. do 2017. radila je kao stručna savjetnica za odnose s javnošću Ministarstva pravde BiH. Prije toga četiri je godine radila kao novinarka i urednica u informativnom programu BHRT-a, a karijeru je započela kao voditeljica programa na RTRS-u.

Sadržaj webinaru

I PRIPREMA

Priprema za medije: Efikasno uspostavljanje komunikacije sa medijima; Plan akcije na djelu/priprema izjava i nastupa; Raščišćavanje uma, verbalizacija i vizualizacija
Vježbe: Priprema izjave i probni nastupi

II RAZRADA OBUKE

Psihologija odnosa sa medijima i publikom: Koncentracija, konverzacija i empatija; Razbijanje treme i nekorisnih misli i uvjerenja; Podizanje bazične samouvjerenosti
Vježbe: Uticaj na publiku; Eliminisanje strahova; Vizualizacija moći; Eliminisanje nekorisnih misli i uvjerenja

III ZAKLJUČAK

Snaga neverbalne komunikacije: Stav, pokreti moći, refleksija i desentizacija; Ritam, logika govora i glas
Vježbe: Simulacija pokreta; Glasovne vježbe



Pojačajte utisak: Jezik uvjeravanja; Novinarski trikovi i lukavstvo - Kako otupiti oštricu; Kako pripremiti efikasnu informaciju/saopštenje
Vježbe: Pripremanje izjava jezikom uvjeravanja; Igra đavoljeg advokata – odgovaranje na neprijatna pitanja

Završne video simulacije polaznika, analize, preporuke.

Cilj obuke

Naučiti kako efikasno komunicirati sa medijima i biti najbolji pred sobom i publikom.

Očekivani ishodi

Nakon obuke, učesnici će naučiti najbolje tehnike komunikacije sa medijima i ostvariti vlastite ciljeve; savladati efektno prenošenje ključnih poruka i specifičnosti TV izjava i nastupa; naučiti kako izbjeći novinarske klopke i povećati moć verbalnog i neverbalnog uvjeravanja; eliminisati strahove od javnog nastupa i razbiti nekorisna uvjerenja o sebi i drugima.

Prijava i pristup

Učešće na webinaru je **besplatno** za uposlenike bh. kompanija koji izvrše prijavu popunjavanjem [online prijavnog obrasca VTK BiH](#), najkasnije do 26.05.2020. godine u 14:00 sati. Broj učesnika je ograničen, zbog čega se preporučuje blagovremena prijava.

Webinar će biti održan preko Adobe Connect platforme. Za pristup webinaru preko PC/laptop računara nije obavezan, ali se preporučuje download Adobe Connect aplikacije zbog boljeg kvaliteta prijenosa audio i video sadržaja. Svim prijavljenim polaznicima će na dan održavanja webinaru biti dostavljen link za pristup webinaru i uputstvo za preuzimanje Adobe Connect aplikacije. Korisnicima mobilnih telefona i tableta se preporučuje da prije webinaru izvrše download (besplatne) Adobe Connect aplikacije na Google Play i App Store-u. Državni službenici se prijavljuju na webinar putem Informacionog sistema za upravljanje procesom organizacije obuke (TMS) na <https://www.ilearn.gov.ba>

Kontakt za više informacija

Kontakt osoba za uposlenike bh. kompanija je gospodin Mirza Konjo, saradnik za edukaciju u VTK BiH (033/566-204; mirza.konjo@komorabih.ba).

U nadi da ćete prepoznati značaj webinaru, te svojim učešćem uveličati organizaciju istog, srdačno Vas pozdravljam i ostajem

S poštovanjem,

Dr.sc. Elma Kovačević-Bajtal
Sektor za edukaciju VTK BiH
Direktorica